

Dreifibréf 03/2020/LST

Fyrnd/ónýt eftirritunarskyld lyf send Lyfjastofnun til eyðingar

Samkvæmt 5. gr. *reglugerðar nr. 233/2001 um ávana- og fíkniefni og önnur eftirlitsskyld efni* skulu fyrnd og ónýt eftirritunarskyld lyf úr birgðum lyfjabúða send Lyfjastofnun til eyðingar. Einnig kemur fram að óheimilt sé að eyða ávana- og fíkniefnum nema í samráði við Lyfjastofnun og að viðstöddum starfsmanni stofnunarinnar.

Lyfjastofnun vekur einnig athygli á 2. mgr. 4. gr. *reglugerðar nr. 241/2004 um val, geymslu og meðferð lyfja á sjúkrahúsum og öðrum heilbrigðisstofnunum*, en þar kemur eftirfarandi fram: „Um húsnæði sjúkrahúsapóteka, búnað og annað er lýtur að framleiðslu, blöndun og varðveislu lyfja m.t.t. öryggis við meðferð þeirra og geymslu, er að öðru leyti vísað til ákvæða lyfjalaga og reglugerða um starfsemi lyfjabúða eftir því sem við á.“ Framangreint ákvæði 5. gr. *reglugerðar nr. 233/2001* gildir því einnig um heilbrigðisstofnanir.

Apótek og heilbrigðisstofnanir skulu senda eftirritunarskyld lyf til eyðingar til Lyfjastofnunar með ábyrgðarpósti eða afhenda þau starfsmanni stofnunarinnar. Afmá skal persónugreinanlegar upplýsingar af lyfjunum áður en þau eru send stofnuninni.

Áður en lyfin eru send skulu eftirlitsþegar fara inn á [Mínar síður](#) á vef Lyfjastofnunar og fylla þar inn í formið *Eftirritunarskyld lyf send til eyðingar*, og setja í viðhengi fylgibréf þar sem tilgreint er um hvaða lyf ræðir og í hvaða magni.

Um leið og eftirlitsþegi ýtir á „senda“ birtist eftirfarandi texti í samskiptaglugga:

Lyfjastofnun hefur móttækið tilkynningu um skil á eftirritunarskyldum lyfjum til eyðingar. Stofnunin mun staðfesta með tölvupósti þegar sendingin hefur verði móttækin. Hafi sending ekki borist innan 10 daga verður ítrekun send á netfang sendanda.

Auk þess birtist móttökunúmer í samskiptaglugganum og **skal skrá það númer utan á sendinguna**. Ef lyf frá fleiri en einni stofnun eru send saman er mikilvægt að skrá öll móttökunúmerin utan á sendinguna.

Lyfjastofnun getur ekki tekið við fyrndum lyfjum til eyðingar ef sendingin hefur ekki verið skráð gegnum *Mínar síður*.

Lyfjastofnun, 20. maí 2020